

將軍楊僕從齊浮勃海兵五萬左將軍荀彘出遼東誅

右渠右渠發兵距險左將軍卒多率遼東士如淳曰遼東兵多也

兵先縱敗散多還走坐法斬師古曰於法合斬樓船將齊兵七

千人先至王險右渠城守窺知樓船軍少即出擊樓船

樓船軍敗走將軍僕失其眾遁山中十餘日稍求收散

卒復聚左將軍擊朝鮮沮水西軍未能破天子為兩將

未有利乃使衛山因兵威往諭右渠右渠見使者頓首

謝願降恐將詐殺臣今見信節請服降遣太子入謝獻

馬五千疋及餽軍糧師古曰餽亦饋字也人眾萬餘持兵方度沮

水使者及左將軍疑其為變謂太子已服降宜令人毋